



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

48. De bonis status Religiosi.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

fectiores, ut eos perficiat. Gratias agam: videbo
quàm sit inurbanum & ingratum, non sequi
vocantem, imo periculosum, quando ideo vo-
cat, quod hunc statum ducat vocatis opportu-
num ad salutem. Quare de reventibus dicit: *Non*
gustabunt cœnam meam, Et Respiciens retro, non *Luc. 14.*
est aptus regno Dei. Porro in vocando Deus spe- *24.*
ctat duo, & commodum Religionis, ad quam *Cap. 9.*
vocat, & congruentiam ipsius vocati: nam *61.*
providet tum bono publico, tum privato: qua-
re magnus error est reniti.

MEDITATIO XLVIII.

De bonis status Religiosi.

PUNCTUM PRIMUM.

Quia eruit à periculis mundi: est autem *Mundi*
mundus multitudo servientium *concupif-* *pericula*
centia carnis oculorum, & superbia vita: quo- *1. Ioan.*
rum alij per infidelitatem sunt extra Ecclesiam, *2. 16.*
alij autem per fidem, membra Ecclesiæ, sed pu-
trida; inter quos vivunt quidem justi, sed cum
periculo ab occasionibus, ab exemplis convi-
ventium, à rebus ipsis: siquidem facilius est,
teste Domino, *Camelum per foramen acus, Marc.*
transire quàm divitem intrare in regnum Dei, *10. 24.*
Gratias ago tibi Domine, quia *eduxisti me de*
Ur Chaldeorum, ab igne concupiscentiæ illius. *Gen. 15.*
Multiplices porro, varij & miri sunt modi edu- *7.*
cendi ex mundo, etiam per tentationes, & per-
secutiones, ac per ipsos graves lapsus à Deo

Cap. 19. permiffos : & quasi *Loth apprehensa manu exi-*
17. re fact.

PUNCTUM II.

Bona
status
religiosi

Sap. 7.
11.

TRia genera bonorum excellenter in statu Religioso inveniuntur : *Honestum*, ab omni choro virtutum, & donorum Spiritus sancti; *Delectabile* à gaudio in Spiritu S. & pace exuperante omnem sensum: *Vtile*, à medijs salutis consequendæ, ut in Religionem conveniat illud de sapientia : *Venerunt mihi omnia bona pariter cum illa, & innumerabilis honestas, & divitia plurima per manus illius: & ignorabam quoniam horum omnium mater est.* Et fundamentum transitus, ut ait Basilius, ab humano more vivendi ad cœlestem, ubi est bonorum omnium cumulus.

PUNCTUM III.

Quid
promit-
tat
Deo Re-
ligiosus
Mat. 19.
27.

Quid De-
us & reli-
gioso
promit-
tat.

1.
2.

Super colloquio Christi cum Petro. *Ecce nos relinimus omnia:* ubi continetur quoddam pactum Dei cum Religioso. Ac ex parte Religiosi, is renunciat rebus omnibus, tum voluptati & libertati per vota. Deinde addicit se Christi sequelæ per imitationem perfectarum virtutum. Quo faciunt, quæ Paulus de Moyse & alijs Sanctis habet ad Hebræos cap. 11. Ex parte Dei promittuntur tria. 1. Sedes inter judicantes, qui est honor specialis, quia ut glorificarent Christum, semet abjecerunt. 2. Centuplum in hac vita, domos, fratres &c. vel spirituales consolationes, quæ centuplo superent terrenas

terrenas: ita ut ipsæ persecutiones & abjectiones fiant dulciores, quàm honores sint mundanis. Et ideo ait: *centuplum cum persecutionibus.*

3. Vita æterna, ubi intelligitur singularis providentia perducendi hominem illuc. Quamobrem pronuntiant sancti, perseverantiam, in hoc statu signum esse prædestinationis. 3.
Marc.
10. 30.

MEDITATIO XLIX.

De providentia erga Prædestinatos.

PUNCTUM PRIMUM.

CUM tres sint effectus Prædestinationis, *Vocatio, justificatio, glorificatio*: mire Deus ea perficit circa Prædestinatos.

PUNCTUM II.

Voluit Deus sic quosdam eligere ex bonitate sua, ne omnes perirent, ut in his ostenderet divitias gloriæ suæ, tum etiam, ne infinita Christi merita frustrarentur.

PUNCTUM III.

Varia sunt indicia prædestinationis, maxime verbum Dei libenter audire, obsecundare inspirationibus, studium servandi mandata Dei, & consilia, necnon Sacramentorum, & orationis, & exercitatio in operibus misericordiæ, & ipsa demum devotio erga beatam Virginem.